



UNIVERSITÄTS-
BIBLIOTHEK
PADERBORN

**Vitæ Sanctorum Sacris per singulos anni dies
Meditationibvs illustratæ**

Paderbornæ, 1697

S. Franciscus De Pavla. 2. Aprilis.

[urn:nbn:de:hbz:466:1-62968](https://nbn-resolving.org/urn:nbn:de:hbz:466:1-62968)

honis Prov. 12. v. 14. Si tamen saniora loqui libeat.
Sin aliter propter peccata labiorum ruina proximat. ma-
lo. Prov. 12. v. 13.

2. Walerico intervenienti non illud christiano-
rum duorum Sacerdotis & Præfecti simul epulanti-
um & spurcè colloquentium Symposium, sed Pha-
raonis mensa, coeno ranarum horrida esse videba-
tur; ideoque aufugit. Si verbum lascivum sputum
est diaboli in ore cujuscunque Laici, quid erit in
ore Ecclesiastici, Religiosi & Sacerdotis? S. Pet.
Dam. l. 6. Ep. 26. *Faceſſat ab ore Militie Chriſtiani;*
amnis vani rumoris ineptia, & lingua qua immaculati
agni, imò summi Verbi rubet sanguine, dedignetur otio-
ſi sermonis ſeſe ſæcibus inquinari. Ne Sacerdos lingua
corporis Dominici velut patinam Diaboli ſanie per-
fundat.

3. Walericus fugit citò, quod citò nocere po-
tuit, ſervandum hîc Epicteti monitum Enchr. c. 55.
Periculoſum eſt ad orationis obſcœnitatem progredi; cum
igitur tale quippiam inciderit, aut ſi feret inopportunitas,
objurgabis eum, qui ſermonem illum inſecerit, aut taci-
turnitate ſaltem, rubore vultuq; oſtendes tibi diſplicuiſſe.

S. FRANCISCUS DE PAVLA.

2 Aprilis.

Qui major eſt in vobis, fiat ſicut
minimus. Luc. 22.

P 4

FRAN-

FRANCISCUS de Paula decimo tertio ætatis Anno, à parentibus ex voto S. Francisco consecratus, monente Deo, novam Religionis familiam Minimorum nuncupandam condidit. Piorum ope ædiculam sacrã molientem S. Franciscus monuit, ut angustiis illis prolatis, ampliorem faceret: impensas causantem fidere Deo iussit; muris ergò dejectis, mox ab homine copioso magnã vim auri in opus accepit. Cùm virtutibus omnibus abundaret, ardebat tamen charitate maximè, quæ ad illum coelo defluxit globo igneo inscripta, ejus tessera futura & ordinis insigne; ea flamma cùm totum hominem corripuisset, nihil mirum est, arduentes deinde titiones impunè tractasse, subiisse caminos, cibos quin adeò absque foco solã charitatis flammã percoxisse: sed animos hominum eodem incendio ambuffit, & extremis odiis dissidentes non alio ferrumine colligavit, artificiosus in miracula sancti Amoris. Ut cùm fratribus duobus Pomiferæ arboris causã inimicitias inter se alentibus, arborem dissilire mediam iussit, neuter ut uno pomo esset ditior; vel cùm pauperum causam apud Regem acturus, nummũ aureum inter digitos diffregit, ex quo cùm

san-

sanguis copiose manaret, inopum eum esse
dixit, qui acerbis exactionibus exugerentur.
Hac deniq; virtute ad cælum subvectus est
Anno MDVII. eadem fiducia aërem trans-
volans, quâ olim mare pallio suo instratum
enavigavit. *Ex vita.*

MEDITATIO

*In tres virtutes S. Francisci de
Paula.*

1. **T**anta fuit charitas hujus sancti, ut ordinem
suum hac epigraphe (Charitas) insignire
voluerit: spretis voluptatibus mundi, bona abdi-
cavit omnia, ut unum amaret JESUM, solamq; ejus
gloriam ubique, & semper procuraret. omnibus
probavit amorem suum erga proximum, omnium
saluti incumbendo. Quomodo imitatis charitatem
hujus Sancti?

2. Tanto odio corpus suum habebat, ut duris-
simâ vivendi ratione excogitatâ, solis cibus tempore
quadagesimali licitis, & oleo duntaxat conditis ve-
sceretur, ad quam tamen victus austeritatem pecu-
liari voto Religiosos suos obstrictos teneri voluit:
per totum annum cibus, tempore quadagesimæ
prohibitis, abstinere; tu verò vix, ac ne vix qui-
dem quadagesimali tempore præcepto pares. Si
mente gustares fel Christo propinatum, aut amari-
tudinem, quâ qui gulæ dediti fuerunt, in inferno
satiantur, imposterum gulæ tuæ non ita servires.

3. Quamdiu vixit, Christianam coluit humilitatē; amabat nesciri, & pro nihilo reputari, nec prius venit in aulam Ludovici XI, quam iusserit summus Pontifex. Minimorum nomen, quo filios suos vocari voluit, satis indicat, quantum amaret humilitatem. Hujus sancti exemplo *Vanitatem tanto magis fuge, quanto melior effectus es; cetera enim vitia crescunt vitiis, vanitas virtutibus.* Eucher.

S. RICHARDVS
EPI COPVS.

3. Aprilis.

*Beati pauperes Spiritu, quoniam
ipsorum est regnum caelorum.*
Matth. c. 5.

RICHARDUS natione Anglus fratris inopiam servilibus ministeriis voluntate susceptis, levavit, eidemq; paternam hereditate, pactoque nobilis & opulentæ virginis matrimonio cessit. Dum litteris navaret operam, nullo certo vivendi præsidio, communi cum sodalibus duobus pallio, vicissim scholas aditurus utebatur. In Episcopatus fastigium evedtus, cum honore, ut assolet, non mutavit morem, paupertatem à se fugientem velut elapsam bonam fortunam in-

secu-